

invenerunt quendam maximum exercitum Sarracenorum, cum quibus inimicis¹⁾ in eodem bello bene fuerunt mortui XX. II^o milia Sarracenorum, reliqui vero dantes arma pro fuga se receperunt apud Gazaram. Rex vero Tartarorum videns quod appropinquavit soldano residuum gentis sue, in dicta valle Camele²⁾ in tres partes divisit, quarum primam posuit in planicie predicta, et isti erant de quibus minime confidebat. Aliam vero aciem posuit in parte superiori et montuosa; terciam vero, in qua rex Davit et Haicanus rex Armenie erant, posuit quasi insidias, ut per eam deciperet inimicos; et ista omnia ordinata fuerunt die Mercurii ante nativitatem domini³⁾ circa solis ortum, et ex illa hora prelium duravit usque ad horam terciam. Videntes autem reges predicti Davit et Haico quod Sarraceni in prelio prevalebant, dixerunt ad dominum Tartarorum: 'Domine, nostri male tractantur et subcumbunt in prelio, nisi succurramus: ita multi ex (a?) Sarracenis occisi sunt, plures vero vulnerati et fatigati. Unde pro domino invadamus eos: ipsi autem non poterunt resistere potencie nostre, immo potius convertentur in fuga'. Dominus vero Tartarorum eorum precibus et instantia devictus circa horam sextam vexillo crucis precedente congressum facit contra Sarracenos. Soldanus vero videns improvisa, et multitudinis impetum tollerare non valens, solam fugam armaturis rejectis sibi presidium adinvenit. Tartari vero per duos dies Sarracenos invadentes eorum trucidacionem fecerunt. Soldanus cum suis in Damasco vitam querens finaliter se recepit, et infra breve tempus congregati cum quinquaginta milibus Sarracenorum reliqui qui evaserunt de pugna, Casaram fugam tenuerunt. Audientes autem Tartari quod soldanus receperat se in Damascum, in die Veneris strennua predictam civitatem vallaverunt obsidione, et fecerunt quod omnes christiani veri sive renegati, qui erant in Damasco, secure exirent, et venerunt ad ipsos, ex . . . civitate exierunt XX milia christianorum verorum quam renegatorum. Videns autem soldanus se totaliter quasi omni provisione destitutum, iterato exivit ad pugnam, et ibi miserabiliter devictus se convertit ad fugam cum duobus CC (*sic*) milibus, reliquis trucidatis vel redactis. Tartari predictam civitatem incendio ita quod habitatores ipsius a minimo usque ad majorem cum ipsa civitate redacti fuerunt in cinerem et favillam. Abinde recedentes secuti fuerunt soldanum, et suos, quodquod invenire poterant, in ore gladii suo Machmeto dedicabant, nec intendebat idem dominus Tartarorum a Sarracenorum persecucione cessare, donec crucis et suum vexillum in Babylonia triumphetur. Disposuit eciam fratrem suum carnalem in Babylonia et tota terra

1) Hier scheint eine grössere Lücke zu sein.
 exercitum suum.

3) Am 23. Dec. 1299.

2) Hier fehlt: exercitum suum.